

**POSTENS PENSJONISTFORBUND  
POSTPENSJONISTANE I SOGN OG FJORDANE**

**HANDLINGSPLAN FOR 2022**

**Forbundet sin formålsparagraf legg føringar for kva mål som skal takast med i handlingsplanen. Formålsparagrafen står i vedtektene paragraf 2, og er slik:**

Postens Pensjonistforbund er ein partipolitisk nøytral og uavhengig landsomfatande organisasjon med føremål å verne om og fremje postpensjonistane sine sosiale, økonomiske, helsemessige og kulturelle interesser. Forbundet skal også arbeide for å styrkje medbestemmelsen for forbundet, og for å gi god og fylldig informasjon til postpensjonistane om saker som er av interesse for pensjonistane og som heng saman med forbundet sine mål.

Forbundet er kollektivt innmeldt i Pensjonistforbundet og har inngått samarbeidsavtalar med Norsk Post- og Kommunikasjonsforbund, LO-Stat og Posten Norge AS.

Sogn og Fjordane avdeling må også ta utgangspunkt i denne formålsparagrafen.

**Med utgangspunkt i formålsparagrafen vert det fastsett følgjande mål:**

**1. Vervemål**

Målet er å verve 10 nye medlemmer i 2022.

**Handlingar:**

- \* Følgje opp listene frå forbundet, og kartlegge det eksisterande medlemspotensiale.
- \* Aktivt vervearbeid samt spesielle verveaksjonar.

**2. Økonomiske mål**

Dei økonomiske måla vert handtert av forbundet sentralt. Krava vert fremja overfor Pensjonistforbundet, som samordnar og fører vidare krava ved dei årlege trygdeforhandlingane, eller i møte med Regjeringa. Avdelingane bør påverke gjennom samarbeid med lokale- og fylkesavdelingar i Pensjonistforbundet, samt lokalpolitikarar og veterangrupper.

**Handlingar:**

- \* Arbeide for at pensjonistar skal ha ei inntektsutvikling lik yrkesaktive.

- \* Arbeide for at behandling med fysioterapi og tannbehandling må komme inn under ordninga med eigenandelstak som for helsetenester.

### 3.Sosiale og helsemessige mål

Krav knytta til dei overordna sosiale og helsemessige måla vil i hovudsak måtte fremjast av forbundet sentralt gjennom Pensjonistforbundet. Avdelinga bør arbeide aktivt for å bli representert i kommunale og fylkeskommunale fora som handsamar sosiale saker som angår pensjonistar for på den måten å kunne påverke kommunane og fylkeskommunen sin sosialpolitikk.

#### Handlingar:

- \* Arbeide for at tildeling av tenester og institusjonsplassar skal skje med utgangspunkt i behov og for at bemanning, kompetanse, aktivitetar og innhaldet ved sjukeheimar vert styrka. Få på plass eldresenter i kommunane som gode møteplassar for dei eldre med godt innhald. **Få på plass dagavlastningsplassar for spesielt dei med Alzheimer demens.**
- \* Avdelinga skal sette seg inn i eldreråda sitt arbeid og fremje saker til råda, eventuelt i samarbeid med Pensjonistforbundet sin avdelingar. Bruke våre medlemmer i eldreråda på ein aktiv måte.
- \* Arbeide for at serviceskyssen vert oppretthalde og utvida til fleire kommunar.

### 4. Kulturelle mål

Kulturelle aktivitetar er viktig for trivsel og samhold. Landsomfatande tiltak vert ivareteke av forbundet sentralt, medan alt som kjem inn under trivselstiltak og medlemspleie må vi ta ansvaret for.

#### Handlingar:

- \* Vi skal arbeide for å gi medlemsmøta eit innhald som medlemene ønskjer og dermed fører til at fleire deltek. Møta må innehalde ei rimeleg blanding av fagleg stoff og underhaldning. I tillegg må det leggjast til rette for sosiale aktivitetar utanfor medlemsmøta som t.d. treffmøte, turar til populære stader og liknande.
- \* Vi vil, så langt det er mogeleg, ta vare på lokal posthistorie i samarbeid med lokale muser, historielag/filatelistklubbar m.v. og rapportere til forbundet sin kontaktperson.

## 5. Informasjonsmål

### Handlingar:

- \* Forsøke å bidra med stoff til «Pensjonisten».
- \* Utvikle innhald og layout til medlemsbladet.
- \* Jobbe for om mulig å få i orden ei heimeside for avdelinga.
- \* Legge opp til rutinar for sikre god elektronisk kommunikasjon.

## 6. Mål for samarbeid

### Handlingar:

- « Styrke kontakten med Fagforbundet Post og Finans.
- « Vidareføre samarbeidet med Pensjonistforbundet i Sogn og Fjordane.
- « Søke samarbeid med andre Postpensjonistavdelingar på Vestlandet.
- « Søke samarbeid med pensjonistavdelingane i Fagforbundet.

## Sluttord

Handlingsplanen skal ikkje vere avgrensande. Landsomfattande tiltak blir følgt opp av forbundet medan lokale tiltak må avdelinga følgje opp.

Auka tilslutnad, bevisstgjerung, press og innspel i media vil vere viktig. Fleire pensjonistar bør engasjere seg politisk lokalt.

Vi må også ta klimautfordringane på alvor.

Slinde, januar 2022.

STYRET